

Osuda napada na službenicu ureda za imovinska pitanja

OHR, UNHCR, OSCE, i EUPM oštro osuđuju napad na šeficu Ureda za imovinska pitanja iz Zvornika, Republika Srpska, koji se dogodio juče ujutro. Na osnovu trenutno dostupnih informacija, šefica Ureda za imovinska pitanja izbodena je nožem od strane raseljenog lica koje je upravo tog jutra deložirano iz kuće u kojoj je živjelo kao nezakoniti korisnik. Šefica Ureda za imovinska pitanja je odmah prebačena u zvorničku bolnicu sa ozljedama koje nisu opasne po život. Osumnjičeni je uhapšen i prebačen u zatvor u Bijeljini.

Međunarodna zajednica poziva odgovarajuće predstavnike vlasti da provedu iscrpnu istragu o ovom incidentu i osiguraju odgovarajuću kaznu za počinitelja. Proces implementacije imovinskih zakona se mora nastaviti, a prijetnje, nasilje ili slično ponašanje protiv službenika za imovinska pitanja ili članova njihovih porodica moraju biti rigorozno sankcionisani i rezultirati pokretanjem krivičnih prijava.